



## Udruženje žena Romkinja "Bolja budućnost" Grada Tuzla

Tuzla 08.11.2018

### JAVNI POZIV REVIZORSKIM KUĆAMA ZA OBAVLJANJE ORGANIZACIJSKE REVIZIJE

Udruženje žena Romkinja (UŽR) "BOLJA BUDUĆNOST" Grada Tuzla je ženska romska NVO koja kroz socio-ekonomske programe, programe ljudskih prava, programe zagovaranja i političke participacije doprinosi poboljšanju uslova života romske populacije sa fokusom na Romkinje.

Osnovani smo 08.02.2001 godine kao tada prva ženska romska organizacija na području Bosne i Hercegovine kod Ministarstva pravosuđa i uprave Tuzlanskog kantona. Poštivajući visoke moralne vrijednosti rasli smo i razvijali se. Trenutno imamo 6 uposlenika/ca u organizaciji ali po različitim projektima i aktivnostima saradujemo sa preko 50 volontera/ki i vanjskih saradnika/ca. Naše članice ali i korisnice su uglavnom Romkinje, ali i Neromkinje, jer je naša generalna misija borba za bolji položaj i veću ravnopravnost žena u našoj regiji. Do sada smo uspješno implementirali preko 130 projekata kako lokalnih, nacionalnih tako i regionalnih. Procjenjujemo da smo u proteklim godinama imali preko 30.000 krosnika/ca, a indirektnih više od toga.

Vjerujemo da naš cjelokupni rad doprinosi i ostvarenju naše vizije koja glasi; Bosna i Hercegovina kao zemlja ravnopravnih građana i građanki u kojoj Romkinje u potpunosti ostvaruju sva prava i aktivno i ravnopravno učestvuju u svim sferama bosansko-hercegovačkog društva.

Udruženje žena Romkinja „Bolja budućnost“ Grada Tuzla objavljuje **JAVNI POZIV** Revizorskim kućama za obavljanje organizacijske revizije finansijskih izvještaja. Ponudu za obavljanje organizacijske revizije u skladu sa Zakonom o računovodstvu i reviziji i Međunarodnim standardima revizije i izražavanja mišljenja nezavisnog revizora o finansijskim izvještajima za period 01.01.2018 – 31.12.2018 godine potrebno je dostaviti do 30.11.2018 godine. Također želimo istaknuti da organizacijski revizorski izvještaj pored lokalnog jezika mora biti napisan i na engleskom jeziku.

Javni poziv ostaje otvoren do 30.11.2018.godine do 12:00 sati te Vas molimo da Vaše ponude dostavite putem e-maila : [info@bolja-buducnost.org](mailto:info@bolja-buducnost.org) ili putem pošte na adresu Meše Selimovića 85, 75000 Tuzla sa naznakom „Ponuda za obavljanje organizacijske revizije za period 01.01.2018.-31.12.2018.godine.



Udruženje žena Romkinja "Bolja budućnost" Grada Tuzla  
Meše Selimovića 85 Tuzla  
telefon/fax: +387 35 298 001 / e-mail: [info@bolja-buducnost.org](mailto:info@bolja-buducnost.org)  
Facebook: Užr Bolja Buducnost Tuzla  
Instagram: bolja\_buducnost  
Web: [www.bolja-buducnost.org](http://www.bolja-buducnost.org)